



SOG'LIQ BILIMLARI UNIVERSITETI

2024-2025 O'QUV YILI

**TURKIYANING SOG'LIQ BILIMLARI UNIVERSITETI VA
BUXORO DAVLAT TIBBIYOT INSTITUTI HAMKORLIGIDA TASHKIL
ETILGAN IBN SINO NOMIDAGI TIBBIYOT FAKULTETI HAMDA
MALAKALI TIBBIY XIZMATLAR OLIY MAKTABI
TALABALARNI SARALASH VA QABUL QILISH
IMTIHONLARI BO'YICHA QO'LLANMA**

**Buxoro davlat tibbiyot instituti
tarkibidagi Abu Ali Ibn Sino nomidagi
Turkiya tibbiyot fakulteti va malakali
tibbiy xizmatlar oliy maktabi uchun
talabalarni saralash va qabul qilish
imtihonlari hamda soha yo‘nalishi
bo‘yicha og‘zaki suhbat sanalari**

Ariza topshirish muddati	8 iyul - 26 avgust 2024 yil
Arizalarni ko‘rib chiqish sanasi	27 avgust - 2 sentyabr 2024 yil
Talabalarni yozma (test) imtihoni sanasi	3 sentyabr 2024 yil
Ibn Sino Tibbiyot fakulteti suhbat shakldagi imtihon sanalari	5-7 sentyabr 2024 yil
Buxoro Ibn Sino malakali tibbiy xizmatlar oliy maktabi soha yo‘nalishi bo‘yicha og‘zaki suhbat sanalari	9-11 sentyabr 2024 yil
Imtihon natijalarini e‘lon qilish	12 sentyabr 2024 yil
Imtihon natijalariga appelyatsiya shikoyatini qabul qilish sanalari	13 sentyabr 2024 yil
O‘qishga qabul qilinganlar uchun shartnoma to‘lovlarini amalga oshirish sanalari	16-22 sentyabr 2024 yil
Ibn Sino fakultetida o‘quv yilining boshlanishi	23 sentyabr 2024 yil

Telefon:

Tel-1 : +998 97 309 00 51 (Shohida Solihova)

Tel-2 : +998 90 637 67 28 (Gulmira Atoyeva)

Veb-sayt: <http://www.sbu.edu.tr>

Manzil: Buxoro Davlat Tibbiyot Institutu / Buxoro tibbiyot texnikumi binosi / Turkiya tibbiyot fakulteti/ Muxammad Iqbol ko'chasi 85 uy Buxoro shahri, 200118 / O'zbekiston

I. UMUMIY MA'LUMOT, ASOSIY TAMOYIL VA QOIDALAR

1. Turkiya Respublikasi Prezidentning 24.06.2019 yildagi 1157-son Qarori bilan Sog'liq bilimlari universiteti tarkibida O'zbekiston Respublikasi Buxoro shahrida tashkil etilgan Ibn Sino tibbiyot fakultetining tibbiyot dasturi bo'yicha mutaxassislarni tayorlash dasturida o'qitishning davomiyligi 6 (olti) yillni tashkil etadi.

2. Turkiya Respublikasi Prezidentning 17.04.2019 yildagi 968 - sonli qarori bilan, Sog'liq bilimlari universiteti tarkibida O'zbekiston Respublikasi Buxoro shahrida tashkil etilgan Ibn Sino nomidagi malakali tibbiy xizmatlar oliy maktabi (Buxoro Ibn Sino MTXOM) 3 (uch) yillik o'quv dastur asosida "Ilk va shoshilinch yordam", "Anesteziya" va Fizioterapiya yo'nalishlarida mutaxassislar tayyorlashni o'z ichiga oladi.

3. Ushbu qo'llanma 2024-2025 o'quv yili uchun Sog'liq bilimlari universiteti, Ibn Sino tibbiyot fakulteti va Ibn Sino MTXOM ga o'qishga kirishni xohlovchi talabgorlarga mo'ljallangan.

4. 2024-2025 o'quv yili uchun O'zbekiston Respublikasining Buxoro shahrida tashkil etilgan Ibn Sino nomidagi tibbiyot fakultetiga qabul o'rinlari soni jami 80 (sakson) ta bo'lib, 60 nafari O'zbekiston fuqarolari uchun, 20 nafari Turkiy tillar mamlakatlari fuqarolari uchun ajratilgan. Sog'liq bilimlari universitetining Talabalarni saralash va qabul qilish komissiyasi qaroriga muvofiq Turkiy tillar mamlakatlari fuqarolariga ajratilgan o'rinlar bo'sh qolganda O'zbekiston fuqarolari qabul qilinishi nazarga tutilgan.

5. 2024-2025 o'quv yilida O'zbekiston Respublikasining Buxoro shahrida tashkil etilgan Ibn Sino MTXOM dagi "Anesteziya", "Ilk va shoshilinch yordam" va "Fizioterapiya" yo'nalishlarining har biriga 40 nafardan jami 120 nafar O'zbekistonlik abiturentlar uchun o'rin ajratilgan.

6. Sog'liq bilimlari universiteti Ibn Sino nomidagi tibbiyot fakulteti va malakali tibbiy xizmatlar oliy maktabiga qabul uchun kirish imtihonlari 2 bosqichda yozma (test) imtihon va soha yo'nalishi bo'yicha og'zaki suhbat shaklida o'tkaziladi. Arizalar 2024-yil **8 iyuldan 26 avgustga qadar** qabul qilinadi (26 avgust kuni ham). Manzil: **Buxoro Davlat Tibbiyot Instituti / Buxoro tibbiyot texnikumi binosi / Turkiya tibbiyot fakulteti/ Muxammad Iqbol ko'chasi 85 uy Buxoro shahri, 200118 / O'zbekiston.**

7. Sog'liq bilimlari universiteti Ibn Sino nomidagi tibbiyot fakulteti va malakali tibbiy xizmatlar oliy maktabiga 2024-2025 yilda kuzgi semestrda Sog'liq bilimlari universitetining Talabalarni saralash va qabul qilish komissiyasining yozma (test) imtihoni va soha yo'nalishi bo'yicha suhbat natijalari xulosasi asosida amalga oshiriladi.

8. Sog'liq bilimlari universitetiga kirish imtihonlari **2024 yilning 3 sentyabr kuni soat 11.00 da** O'zbekistonning Buxoro shahrida abiturentning shaxsan ishtirokida oflayn formatda o'tkaziladi.

9. O'zbekiston fuqarolari uchun Buxoro davlat tibbiyot instituti negizida tashkil etilgan Ibn Sino nomidagi tibbiyot fakulteti va malakali tibbiy xizmatlar oliy maktabiga kirish imtihonlari yozma va og'zaki suhbat shaklida o'tkaziladi. Tibbiyot fakulteti uchun soha yo'nalishi bo'yicha og'zaki suhbat yozma imtihonlar tugagach **2024 yilning 5-7 sentyabr sanalarida** (soat 10:00-17:00 gacha), malakali tibbiy xizmatlar oliy maktabi uchun **9-11 sentyabr** kunlari (soat 10:00-17:00 gacha) bo'lib o'tadi. Zarurat bo'lganda (fors-major holatlarda) suhbat onlayn shaklda o'tkazilishi mumkin.

10. 2024-2025 o'quv yilida Sog'liq bilimlari universiteti Ibn Sino tibbiyot fakulteti uchun 80 ta asosiy va 40 (qirq) ta zahira kvota ajratilgan. Sog'liq bilimlari universiteti malakali tibbiy xizmatlar oliy maktabining "Anesteziya", "Ilk va shoshilinch yordam", "Fizioterapiya" yo'nalishlarininghar biri uchun 40 (qirq) tadan jami 120 (bir yuz yigirma) ta asosiy va 60 (oltmish)ta qo'shimcha kvota ajratilgan.

11. Sog'liq bilimlari universiteti Ibn Sino nomidagi tibbiyot fakulteti va malakali tibbiy xizmatlar oliy maktabiga kirish imtihonlariga qatnashgan talabgorlarning yozma va og'zaki suhbat natijalari faqat 2024-2025 o'quv yili uchun amal qiladi va keyingi o'quv yillarida ahamiyatga ega emas.

12. Universitet va talabgor abiturentlar orasidagi muloqot turk, o'zbek, rus va ingliz tillarida olib boriladi.

13. 2024-2025 o'quv yili uchun Sog'liq bilimlari universiteti Ibn Sino nomidagi tibbiyot fakulteti va malakali tibbiy xizmatlar oliy maktabiga hujjat topshirish uchun ariza yozgan talabgorlar Buxoro Davlat Tibbiyot Instituti Buxoro hisob raqamiga 10,00 AQSH dollari yoki shu miqdorga teng o'zbek so'mida to'lovni amalga oshirishlari kerak.

14. Imtihan topshiradigan talabgorlar imtihan kunlari o'zlari bilan pasport yoki boshqa shaxsni tasdiqlovchi hujjatlarini olib kelishlari shart.

15. Sog'liq bilimlari universitetining yozma imtihonida qatnashmagan nomzodlar soha yo'nalishi bo'yicha og'zaki suhbat imtihoniga kiritilmaydi.

16. Sog'liq bilimlari universiteti Ibn Sino nomidagi tibbiyot fakulteti va malakali tibbiy xizmatlar oliy maktabiga kirish uchun o'tkazilgan imtihan natijalari faqat shu ta'lim muassasasi uchun amal qiladi.

II. HUJJAT TOPSHIRISH JARAYONI

1. 2024-2025 o'quv yilida Sog'liq bilimlari universiteti Ibn Sino nomidagi tibbiyot fakulteti va malakali tibbiy xizmatlar oliy maktabiga kirish uchun talabgorlar yo'riqnomada ko'rsatilgan manzilda, belgilangan sanalarda hujjatlarini to'liq topshirishlari lozim. **Buxoro Davlat Tibbiyot Instituti / Buxoro tibbiyot texnikumi binosi / Turkiya tibbiyot fakulteti/ Muxammad Iqbol ko'chasi 85 uy Buxoro shahri, 200118 / O'zbekiston.**

2. Barcha zaruriy hujjatlarni to'liq topshirmagan talabgorlarning arizalari ko'rib chiqilmaydi. Ariza topshirish jarayonida talabgordan talab qilinadigan hujjatlar:

- a) Fuqarolik guvohnomasi yoki pasport
- b) Maktab, litsey yoki kollej diplomi (Diplomning o'zi yoki ilovasi)
- c) Fotosurat
- d) Arizani qabul qilish uchun amalga oshirilgan to'lov kvitansiyasi.

3. Sog'liq bilimlari universiteti Ibn Sino nomidagi tibbiyot fakultetiga 2024-2025 o'quv yilida arizalar O'zbekiston va boshqa turkiy tillarda so'zlovchi respublikalar fuqarolari tomonidan topshirilish mumkin.

4. Ibn Sino nomidagi malakali tibbiy xizmatlar oliy maktabiga 2024-2025 o'quv yilida faqat O'zbekiston fuqaroslari hujjat topshirishlari mumkin.

5. Agar O'zbekiston fuqaroligi bo'lgan shaxslar keyinchalik Turkiya mamlakat fuqaroligini olgan bo'lsa, yoki ikkita fuqarolikka ega bo'lsa Ibn Sino nomidagi tibbiyot fakultetiga va Ibn Sino nomidagi malakali tibbiy xizmatlar oliy maktabiga kirish uchun hujjat topshira olmaydi.

6. Turkiyadagi istalgan oliy ta'lim muassasasiga ro'yxatdan o'tgan O'zbekistonlik fuqarolar Ibn Sino nomidagi tibbiyot fakulteti va malakali tibbiy xizmatlar oliy maktabiga kirish uchun hujjat topshira olmaydi. Agar talabgorlar arizasini saralash jarayonida bunday holatlar aniqlansa ariza haqiqiy emas deb qabul qilinadi. Agar bunday holat saralash va qabuldan keyin aniqlansa bekor qilinadi.

7. Ariza va to'ldirilgan ma'lumotnomada keltirilgan ma'lumotlar haqiqiylikiga bevosita abiturentning o'zlari javobgar hisoblanadi. Anketaning shaxsini tasdiqlovchi ma'lumotlar maydonlari nomzodning pasportidagi shaxsni tasdiqlovchi ma'lumotlarni o'zgartirmagan holda va qisqartmalarsiz kiritilishi kerak.

8. Anketada so'ralgan elektron pochta va telefon aloqa ma'lumotlari talabgorga tegishli bo'lishi va har bir nomzod faqat bitta elektron pochtdan foydalanishi kerak. Ushbu elektron pochta orqali boshqa talabgorlar nomidan yozishmalar/operatsiyalar amalga oshirilmasligi kerak.

9. Maktab, litsey yoki kollej diplomi turk, rus, o'zbek yoki ingliz tillari yozilmagan bo'lsa, ushbu hujjatning turkchaga tarjima qilib, notarial tasdiqlangan nusxasi taqdim etiladi.

10. Nomzodlarning suhbatga bo'lgan arizasining muvofiqligi Sog'liq bilimlari universitetining talabalarini tanlash va joylashtirish imtihan va suhbat komissiyasi tomonidan baholanadi.

III. KIRISH IMTIHONLARI UCHUN ARIZA TO'LDIRISH VA TO'LOV QILISH JARAYONLARI

1. Sog'liq bilimlari universitetiga kirishga talabgorlar universitet tizimiga Buxoro Davlat Tibbiyot Instituti (Buxoro Davlat Tibbiyot Instituti) hisob raqamiga 10.00 AQSh dollari (o'n AQSH dollari) yoki shu miqdorga tenglashtirilgan o'zbek so'mi tushganligi to'g'risida kvitansiyaning onlayn yuklashi kerak.

2. Imtixon to'lovini to'lagan bo'lsada, yozma va soha yo'nalishi bo'yicha og'zaki suhbatga ishtirok etmagan talabgorlar tomonidan to'langan imtixon **to'lov summasi qaytarilmaydi**

3. Ariza topshirishda ma'lumotlar noto'g'ri kiritilganligi sababli haqiqiy deb topilmagan ariza egalari **to'lov summasi qaytarilmaydi**.

4. Agar abiturent saralash imtixonlaridan o'tib o'qishga qabul qilinsa va keyinchalik ma'lum sabablar tufayli o'qishni rad etsa **to'lov summasi qaytarilmaydi**.

5. Saralash jarayonida institutning tegishli yo'nalishiga o'qishga qabul qilingan abiturentlar quyidagi tamoyillarga muvofiq shartnoma to'lovlarini amalga oshiradilar

6. 2024-2025 o'quv yilida kirish imtixonlaridan muvaffaqiyatli o'tib o'qishga qabul qilingan talabalar quyidagi tartiblar asosida stipendiya olishlari mumkin:

• **Sog'liq bilimlari universitetiga Ibn Sino tibbiyot fakultetiga o'qishga qabul qilinganlar uchun shartnoma to'lov miqdori:**

A) Yozma (test) va og'zaki imtixon natijalariga ko'ra eng yuqori ball olgan dastlabki 3 (uch) nafar talabaga 100% stipendiya qo'llaniladi va ular o'qish to'lovini to'lamaydilar.

B) Yozma (test) va soha yo'nalishi bo'yicha og'zaki imtixon natijalariga ko'ra yuqori ball olgan 4-6 o'rinlardagi talabalarga 50% stipendiya qo'llaniladi va ular o'qish to'lovining 50%ini to'laydilar.

C) Yozma (test) va soha yo'nalishi bo'yicha og'zaki imtixon natijalariga ko'ra 7-80 o'ringa qolgan talabalar o'qish to'lovini to'liq to'laydilar.

Davlat granti asosida o'qish imkoniyati 6 (olti) yil davomida amal qiladi. Shu muddatda o'qishni tugata olmagan talabalar bu imkoniyatni yo'qotadilar va to'liq kontrakt shartnoma asosida to'lovni amalga oshiriladi.

• **Sog'liq bilimlari universiteti, malakali tibbiy xizmatlar oliy maktabiga o'qishga kirish huquqiga ega bo'lganlar uchun shartnoma to'lov miqdori:**

A) Yozma (test) va og'zaki imtixon natijalariga ko'ra, eng yuqori ball olgan dastlabki 2 (ikki) ta nomzodga (har bir yo'nalish bo'yicha) 100% stipendiya qo'llaniladi va o'qish uchun to'lov to'lanmaydi.

B) Yozma (test) va og'zaki imtixon natijasida yuqori ballarni olgan 3-4 o'ringa talabalar uchun 50% stipendiya qo'llaniladi va ular ta'lim to'lovining 50% ni to'laydilar.

C) Yozma (test) va soha yo'nalishi bo'yicha og'zaki imtixon natijalariga ko'ra 5-40 o'ringa bo'lgan talabalar o'qish to'lovini to'liq to'laydilar.

Davlat granti asosida o'qish imkoniyati Malakali tibbiy xizmatlar oliy maktabi yo'nalishi uchun uch yil (6 semestr) uchun amal qiladi. Bu muddat ichida (6 semestr) o'qishni tugata olmagan talabalar stipendiya olish imkoniyati to'xtatiladi va ular o'qishni to'lovni to'liq to'lash yo'li bilan davom ettiradilar.

Ibn Sino tibbiyot fakulteti hamda Buxoro Ibn Sino malakali tibbiy xizmatlar oliy maktabi talabalarining stipendiya maqomi davom etishi uchun stipendiya olgan har bir talaba yil oxirida keyingi sinfga o'tishi shart bo'ladi. Ushbu talabni bajara olmagan (keyingi sinfga o'ta olmagan) talabalar stipendiyalari to'xtatiladi va to'lovni to'liq to'laydi.

Ibn Sino tibbiyot fakulteti o'qish to'lovi:

Davolash ishi yo'nalishi uchun yillik o'qish to'lovi:

3.000 \$ (uch ming AQSh dollari) yoki shu miqdorga tenglashtirilgan O'zbekiston so'mi hisobi evaziga olinadi.

Buxoro Ibn Sino Tibbiyot fakulteti malakali tibbiy xizmatlar oliy maktabi o'qish to'lovi: "Ilk va shoshilinch yordam", "Anesteziya" va "Fizioterapiya" dasturi uchun yillik o'qish to'lovi: 1.500 \$ (bir ming besh yuz AQSh dollari) yoki shu miqdorga tenglashtirilgan O'zbekiston so'mi hisobi evaziga olinadi.

Bank nomi: **Gaznachiligi Markaziy Bank BBXKKM Toshkent Shahri.**

a) IBAN:

UZS Hisob: 400110860064017094100054001

USD Hisob: 400910840064017094100054001

EURO Hisob: 400910978064017094100054001

b) SWIFT kodi: CBUZ22

c) Qabul qiluvchining nomi: Buxoro davlat tibbiyot instituti.

d) To'lovchining ismi va familiyasi.

e) To'lov vaqtida to'lov turi va to'lovchining to'liq ismi, familiya va otasining ismi kiritilishi lozim.

f) To'lov haqidagi kvitansiya o'qish boshlangunga qadar Buxoro davlat tibbiyot instituti marketing bo'limga topshirilishi va qayd qilinishi kerak.

g) O'qish to'lovini O'zbekiston yoki Buxoro viloyatidagi barcha bank filiallaridanto'lashlari mumkin.

h) Sog'liq bilimlari universitetiga kirish imtihonlaridan muvaffaqiyatli o'tgan va o'qishga qabul qilingan talabalar har semestr boshlanishidan oldin o'qish uchun to'lovlarni 50% amalga oshirishlari zarur. Aks holda ular joriy semestrda o'qishni davom ettirish huquqiga ega bo'lmaydilar.

IV. O'ZBEKISTON RESPUBLIKASI VA XORIJDAN TURIB O'QISH UCHUN TO'LOV QILISH JARAYONIDA E'TIBORLI BO'LISH ZARUR BO'LGAN HOLATLAR.

1. O'qish uchun to'langan pul tashkilot hisob raqamiga o'tkazilib depozitga kiritilgandan so'ng to'lov amalga oshirilgan deb hisoblanadi.

2. O'qish to'lovi uchun maxsus chek, konvertdagi pul, pochta cheki va shunga o'xshash boshqa qog'ozlar yuborilishi qat'iy taqiqlanadi.

3. Bank tomonidan olinadigan tranzaksiya to'lovlari o'quv to'loviga kiritilmaydi.

4. O'qish to'lovi to'langunga qadar talabgor qabul qilingan yo'nalish bo'yicha ro'yxatga olinmaydi.

5. O'qish to'lovini to'lagan abituriyentlar bank bo'limidan chiqishdan oldin o'zlariga berilgan bank chekini sinchiklab o'rganib chiqishlari, ma'lumotlarida xatolik bo'lsa bank xodimiga qayta murojaat qilishlari va xatoliklarni tuzatishlari kerak.

V. SOG'LIQ BILIMLARI UNIVERSITETIGA O'QISHGA KIRISH UCHUN MUROJAAT QILGAN TALABGORLAR ARIZALARINI DASTLABKI SARALASH.

1. Topshirilgan arizalarning qo'yilgan talablarga muvofiqligi Sog'liq bilimlari universiteti tomonidan tayinlangan talabalarini saralash va qabul imtihonlariga yo'naltirish komissiyasi tomonidan baholanadi.

2. Arizalarni baholash va talabgorni yo'nalishlarga mos qabul qilish, kvotalarning to'lishi yoki tuldirilmasligi butunlay Sog'liq Bilimlari universiteti vakolatida bo'ladi.

3. Ariza topshirish uchun talab qilinadigan barcha hujjatlar tegishli organlar tomonidan tasdiqlanishi kerak.

4. Dastlabki baholash natijalariga ko'ra yozma imtihon topshirish huquqiga ega bo'lgan

nomzodlar universitetimiz veb-saytida e'lon qilinadi.

VI. SOG'LIQ BILIMLARI UNIVERSITETI, IBN SINO TIBBIYOT FAKULTETI VA BUXORO IBN SINO MALAKALI TIBBIY XIZMATLAR OLIY MAKTABIGA QABUL QILISH IMTIHONLARI

1. Nomzodlarning murojaat arizalari Sog'liq bilimlari universiteti talabalarini saralash va yo'nalishlar bo'yicha taqsimlash komissiyasi tomonidan ko'rib chiqiladi. Ko'rib chiqish jarayonida talab qilingan hujjatlar to'liqligi yoki undagi kamchiliklar aniqlanadi. Arizalari qabul qilingan abiturentlar imtihon kuni o'zlari bilan pasport va yoki shaxsni tasdiqlovchi hujjat olib kelishlari talab qilinadi.

2. Sog'liq bilimlari universitetiga talabalarni qabul qilish kirish imtohinining birinchi bosqichi yozma (test) imtihon **2024-yil 3 sentyabr kuni** soat 11:00 da O'zbekiston Respublikasining Buxoro shahrida bo'lib o'tadi.

3. Sog'liq bilimlari universitetiga talabalarni qabul qilish kirish imtihoni jami 90 ta test savoldan iborat bo'lib, uning davomiyligi 150 (bir yuz ellik) daqiqa.

4. Sog'liq bilimlari universitetiga talabalarni qabul qilish kirish imtihoni test savollari matematika, kimyo va biologiya fanlari bo'yicha tuzilgan bo'lib, biologiya bo'yicha 40 ta, kimyo bo'yicha 30 ta va matematika bo'yicha 20 ta imtihon savollaridan iborat.

5. Imtihon savollarida beshta (5) variant mavjud bo'lib, ulardan faqat bittasi to'g'ri javob sanaladi. Imtihon savollarining to'g'ri variantlarini savollar kitobchasida va sizga beriladigan javoblar varaqasiga belgilashingiz kerak.

6. Javoblar varaqasida yo'l qo'yilishi mumkin bo'lgan xatolarni kamaytirish maqsadida imtihon topshiruvchilar imtihon boshlanishidan oldin nazoratchilar tomonidan javoblar varaqasini to'ldirish tartibi bilan tanishtiriladilar.

VII. SOG'LIQ BILIMLARI UNIVERSITETI TIB FAKULTETI VA IBN SINO MALAKALI TIBBIY XIZMATLAR OLIY MAKTABI TALABALARINI SARALASHNING OG'ZAKI SUHBAT IMTIHONI

1. Soha yo'nalishi bo'yicha og'zaki suhbat imtihoni yozma (tet) imtihondan keyin Sog'liq bilimlari universitetining Talabalarni saralash va qabul qilish komissiyasi tomonidan o'tkaziladi. Yozma (test) imtihonda yuqori ball olgan, belgilangan kvotaning 3 (uch) barobaridan boshlab suhbatga chaqiriladi. Suhbatga chaqiriladigan nomzodlar universitet veb-saytida e'lon qilinadi. Nomzodlar suhbatga kelganda o'zlari bilan pasport va yoki shaxsini tasdiqlovchi hujjatlarini olib kelishlari shart.

2. Sog'liq bilimlari universitetiga qabul imtohininig soha yo'nalishi bo'yicha og'zaki suhbat Buxoro Davlat Tibbiyot Instituti Turkiya tibbiyot fakultetida (Morfologiya binosi) da bo'lib o'tadi. Ibn Sino tibbiyot fakulteti (davolash yo'nalishi)ga nomzodlar uchun suhbat 2024-yil **5-7 sentyabr kunlari**, malakali tibbiy xizmat oliy maktabiga talabgor nomzodlar uchun 2024-yil **9-11 sentyabr kunlari** mahalliy vaqt bilan soat 10:00 dan 17:00 gacha bo'lib o'tadi.

3. Talabalarni tanlash va joylashtirish markazi (ÖSYM) tomonidan o'tkazilgan TR-YÖS imtohinini topshirgan nomzodlarning imtihondagi muvaffaqiyati suhbat imtohinida hisobga olinadi.

VIII. SOG'LIQ BILIMLARI UNIVERSITETI IBN SINO TIBBIYOT FAKULTETI VA MALAKALI TIBBIY XIZMATLAR OLIY MAKTABI TALABALARNI SARALASH NATIJALARINI BAHOLASH.

1. Sog'liq bilimlari universitetining Talabalarni saralash va qabul qilish imtihoni natijalari yakuniy ballari yozma (test) imtihon natijasi (60%), attestat balli (20%) va og'zaki suhbat balli (20%) jamlanmasidan iborat bo'ladi. Agar nomzodlar orasida ballar miqdori teng bo'lgan holatlar kuzatilsa, tug'ilgan yili tanlov sifatida inobatga olinadi va yoshi kichik bo'lganlar tanlanadi.

2. Milliy yoki xalqaro miqyosda istalgan yo'nalish (fan, san'at yoki sport) bo'yicha yutuq sertifikatiga ega bo'lgan nomzodlar to'plagan umumiy ballariga qo'shimcha 5 ball qo'shish huquqiga ega. Ushbu qo'shimcha ballda nomzodlarning respublika yoki xalqaro miqyosda ishtirok etgan fan, san'at va sport yo'nalishlari bo'yicha tanlovlarda erishgan yutuqlari hisobga olinadi. Qo'shimcha ball faqat nomzodlarga tegishli bo'lgan sertifikatlardan biriga beriladi, hatto bir nechta sertifikatlar topshirilgan taqdirda ham balni hisoblashda ulardan faqat bittasi hisobga olinadi.
3. Nomzodlarning suhbat imtihon natijalari Universitetning veb-saytida e'lon qilinadi.
4. Yakuniy ro'yxatga olish Sog'liqni bilimlari universiteti, Ibn Sino tibbiyot fakulteti va malakali tibbiy xizmatlar oliy maktabida e'lon qilingan ro'yxatdagi muvaffaqiyat reytingiga ko'ra amalga oshiriladi.

IX. SOG'LIQ BILIMLARI UNIVERSITETI IBN SINO TIBBIYOT FAKULTETI VA MALAKALI TIBBIY XIZMATLAR OLIY MAKTABI QABUL KVOTASI

2024-2025 o'quv yilida qabul kvotasi Ibn Sino tibbiyot fakultetiga 80 (sakson) nafar, malakali tibbiy xizmatlar oliy maktabiga 120 (bir yuz yigirma) nafar talaba qabul qilinadi.

X. NOMZODLARNI YONALISHLAR BO'YICHA TAQSIMLASH TARTIBI

1. Sog'liq bilimlari universiteti Ibn Sino tibbiyot fakulteti va malakali tibbiy xizmatlar oliy maktabiga o'qishga qabul qilinadigan talabalarni aniqlashda saralash jarayonida to'plangan yozma (test) (60%), maktab, litsey yoki kollej diplomining balli (20%) va soha yo'nalishi bo'yicha og'zaki suhbat balli (20%) yig'indisidan iborat umumiy ball asosida amalga oshiriladi.
2. Arizalarni baholash va nomzodlarni qabul qilish butunlay Sog'liq bilimlari universiteti vakolatida. Qo'llanilishi kerak bo'lgan saralash chegara ballari Sog'liq bilimlari universiteti tomonidan tayinlangan komissiya tomonidan belgilanadi va universitet kvotani to'ldirish yoki to'ldirmaslik holati bo'yicha qaror qabul qilishi mumkin. Ariza shartlarini bajarish holati qabul qilish zarurligini kafolatlamaydi.
3. Nomzod faqatgina bir yo'nalish bo'yicha o'qishga qabul qilinadi.
4. Talabalarning o'qishga qabul qilinganligi natijalari Talabalarni saralash va qabul qilish bo'yicha yo'riqnomada ko'rsatilgan sanalarda universitet veb-saytida e'lon qilinadi.

XI. TALABALIKKA QABUL QILISH UCHUN ZARUR HUJJATLAR

1. Maktab, litsey yoki kollej diplomi asl nusxasi.
2. Universitet tomonidan o'tkazilgan Talabalarni saralash va qabul qilish imtihonlari natijalari haqidagi hujjat nusxasi.
3. Oltita (6) 4,5 x 6 sm o'lchamdagi pasport fotosurati (oxirgi olti oy ichida, old tomondan, nomzodni osongina aniqlashi mumkin bo'lgan tarzda olingan bo'lishi kerak).
4. O'quv to'lovi to'langanligi to'g'risidagi bank kvitansiyasining asl nusxasi.
5. Ariza berish, joylashtirish va ro'yxatdan o'tkazish jarayonida yolg'on ma'lumot bergan, soxtalashtirilgan, qalbaki, to'liq bo'lmagan va noto'g'ri hujjatlarni taqdim etgan shaxslarning arizalari rad etiladi. Agar ushbu nomzodlarni ro'yxatga olish amalga oshirilgan bo'lsa, ular o'qiyotgan semestrda qat'iy nazar, bekor qilinadi. Yuqoridagi noqonuniy holatlar aniqlangan shaxslarga nisbatan zaruriy qonuniy choralar ko'riladi. O'qish to'lovlari qaytarilmaydi.

XII. 2024-2025 O'QUV YILIDA SOG'LIQ BILIMLARI UNIVERSITETI IBN SINO TIBBIYOT FAKULTETIGA TALABALARNI SARALASHNING YAKUNIY BALLARINI ASOSLASH.

nomi	foiz ulushi	nomi	Foiz ulushi	nomi	Foiz ulushi	Milliy yoki xalqaro sertifikat	Umumi yball
Yozma imtihon	60%	Maktab, litsey va kollej diplomi balli	20%	Soha yo'nalishi bo'yicha og'zaki suhbat	20%	5%	105

XIII. 2024-2025 O'QUV YILIDA SOG'LIQ BILIMLARI UNIVERSITETI IBN SINO MALAKALI TIBBIY XIZMATLAR OLIY MAKTABIGA TALABALARNI SARALASH VA TAQSIMLASH BALLARINI ASOSLASH

nomi	foiz ulushi	nomi	Foiz ulushi	nomi	Foiz ulushi	Milliy yoki xalqaro sertifikat	Umumi ball
Yozma imtihon	60%	Maktab, litsey va kollej diplomi balli	20%	Soha yo'nalishi bo'yicha og'zaki suhbat	20%	5 %	105